

文淵閣

影印

四庫全書

影印

文淵閣四庫全書

第五五四冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

陝西通志(四)

清

劉於義等監修
沈青崖等編纂

……一

欽定四庫全書

史部
陝西通志卷四十八

詳校官給事中臣李臺

檢討臣德生覆勘

總校官降調編修臣倉聖脉

校對官編修臣盧遂

謄錄監生臣沈應麟

欽定四庫全書

陝西通志卷四十八

帝系一帝王后妃太子諸王宗室

粵若稽古周秦漢唐維耀冕寶照灼秦疆迺立廟社
迺啟明堂克艱締造紹衣罔康闕睢化始龍漿德涼
爪縣椒衍威晚輝煌聖狂異軌淑慝偕彰永垂法戒
地久天長作帝系志第二十三

帝王

古今都會惟關中最早黃農以上弗可深考周家夙號至治漢唐亦稱一代之盛第泛覽諸本

欽定四庫全書

陝西通志
卷四十八

紀則美不勝書茲特以歷代建都為經帝系為緯自史臣論贊而外不行一辭云

上古

五龍氏

五龍是謂五姓治在五方司五類布山岳益龍德
而正中者也路史中三皇紀今上郡奢延膚施縣有五龍
山蓋其出治之所故漢宣帝立五龍仙人祠於膚

施本注

雲陽氏

雲陽氏作是為陽帝厥化混混厥生濛濛都於雍之甘

泉循蜚紀甘泉山本亦曰雲陽在馮翊雲陽縣雲陽氏

之嘗居路史注

有巢氏

有巢氏駕六龍從日月是曰古皇龜龍効圖書昇於

是文成而天下治其為政也授而弗忌子而弗取天

下之民皈仁居於壘及盤嶺路史禪通紀盤嶺在長安三

秦紀云長安城有平原數百里無山川湖水民尚井

欽定四庫全書

陝西通志
卷四十八

汲巢居地多井深者五十丈今興平始平原也本注

陰康氏

陰康氏之時陰凝而易悶人既鬱於內腠理滯著而

多重脰得所以利其關節者制為之舞教人引舞以

利導之是謂大舞治於華原路史禪通紀按華原即今耀州

女皇氏

女皇氏太昊氏之女弟少昊太昊正姓氏職婚姻通

行媒以重萬民之判是曰神媒太昊氏衰共工作亂

於是滅共工氏而遷之治於中皇山之原繼興於麗

路史禪通紀山在金之平利上有女媧廟與伏羲山接伏

羲山在西城女媧山在平利長安志云驪山有女媧

治處又云藍田谷次北有女媧氏谷三皇舊居之所

即驪山也本注

有熊氏

有熊氏小典氏之子王承填而土行色尚黃天下號

之黃帝身五十二戰而天下大服乃達四面廣能賢

欽定四庫全書

陝西通志
卷四十八

稽功務法秉數乘剛而都於陳路史疏今寶雞故陳

倉姚睦云黃帝都陳倉非宛丘故今隴右黃帝遺迹

甚多本注

少昊氏

少昊青陽氏以處雲陽亦曰雲陽氏以金寶歷色尚

白又曰金天氏處於甘泉興郊禪崇五祀正都邑肇

車牛作布貨以制國用立史官尊者老修其方而天

下治路史疏化紀按以上諸帝世次荒遠莫考其都雍與否祇因古史所傳以作是編之外史爾

周 姓姬氏

武王諱發以歲己卯春二月克商即天子位定都鎬在位七年

王來自商至於豐乃偃武修文歸馬於華山之陽放牛於桃林之野示天下弗服列爵惟五分土惟三建官惟賢位事惟能重民五教惟食喪祭惇信明義崇德報功垂拱而天下治 周書武成

成王諱誦武王太子以歲乙酉即位在位三十七年

欽定四庫全書

陝西通志卷四十八

叔向曰成王能明文昭定武烈者也 國語

康王諱釗成王太子以歲壬戌即位在位二十六年

太子晉曰自后稷之始基靖民十八王而康克安之

國語

昭王諱瑕康王太子以歲戊子即位在位五十一年

穆王諱滿昭王太子以歲己卯即位在位五十五年

共王諱繁扈穆王太子以歲甲戌即位在位十二年

懿王諱囂共王太子以歲丙戌即位在位二十五年

孝王諱辟方共王弟以歲辛亥即位在位十五年

夷王諱燹懿王太子以歲丙寅即位在位十六年

厲王諱胡夷王太子以歲壬午即位在位五十一年

宣王諱靖厲王太子以歲癸酉即位在位四十六年

宣王承衰邦家多阻懲難思理官人以叙山甫補闕

方叔禦侮是用中興恢復周宇 詩大序

幽王諱宮涅宣王太子以歲己未即位在位十一年

平王諱宜臼幽王太子以歲庚午即位歲辛未東遷於

欽定四庫全書

陝西通志卷四十八

洛

后稷居邠太王作周丹開雀錄火降鳥流三分既有

八百不謀蒼兕誓衆白魚入舟成康之日政簡刑措

南巡不還西服莫附共和之後王室多故麋孤興謠

實傾周祚 司馬貞索隱

右周自武王元年己卯至平王元年辛未共都鎬三

百五十三年 按周室中葉有遷都之舉皆在陝境故不詳書而統以鎬京云

秦 姓嬴氏

始皇帝諱政以歲庚辰并天下稱皇帝都於咸陽凡十

二年

二世皇帝諱胡亥始皇帝少子以歲辛卯秋七月即位

在位三年

王子嬰始皇帝孫以歲甲午即位乙未出降於漢凡一

年

周歷已移秦直其位呂政殘虐然以諸侯十三并兼

天下極情縱欲三十七年兵無所不制作令政施

欽定四庫全書

陝西通志
卷四十八

六

於後王蓋得聖人之威始皇既歿胡亥極愚酈山未

畢復作阿房以遂前策任用趙高殘虐促期雖居形

便之國猶不得存子嬰度次得嗣冠玉冠佩華紱車

黃屋從百司謁七廟小人乘非位莫不怵忽失守偷

安日月獨能長念却慮父子作權近取於戶牖之間

竟誅猾臣為君討賊吾讀秦紀至於子嬰車裂趙高

未嘗不健其決憐其志嬰死生之義備矣

班蘭
臺集

右秦自始皇帝二十六年庚辰至子嬰元年乙未

共都咸陽一十六年

漢
姓劉氏

高皇帝諱邦沛人以歲己亥春二月滅楚即皇帝位夏

五月定都長安在位八年

周秦之間可謂文敝矣秦政不改反酷刑法豈不繆

乎故漢興承敝易變使人不倦得天統矣

史紀高
祖本紀

孝惠皇帝諱盈高祖太子以歲丙午夏五月即位在位

七年

欽定四庫全書

陝西通志
卷四十八

七

孝惠內修親親外禮宰相優寵齊悼趙隱恩敬篤矣

聞叔孫通之諫則瞿然納曹相國之對而心悅可謂

寬仁之主遭呂太后虧損至德悲夫

漢書惠帝紀
按惠帝後呂氏

稱制九年所立兩少帝皆非孝惠

子也史漢紀傳載之已詳故不書

孝文皇帝諱恒高祖仲子以歲辛酉秋九月即位在位

二十三年

孔子言必世然後仁善人之治國百年亦可以勝殘

去殺誠哉是言漢興至孝文四十有餘載德至盛也

廩廩鄉改正服封禪矣謙讓未成於今嗚呼豈不仁

哉史紀文
帝本紀

孝景皇帝諱啟孝文帝太子以歲甲申夏六月即位在
位十六年

孔子稱斯民三代之所以直道而行也信哉周秦之
敝罔密文峻而姦軌不勝漢興掃除煩苛與民休息
至於孝文加之以恭儉孝景遵業五十六載之間至
於移風易俗黎民醇厚周云成康漢言文景美矣漢書

欽定四庫全書

陝西通志
卷四十八

景帝
紀

孝武皇帝諱徹景帝太子以歲庚子春正月即位在位
五十四年

漢承百王之弊高祖撥亂反正文景務在養民至於
稽古禮文之事猶多闕焉孝武初立卓然罷黜百家
表章六經遂疇咨海內舉其俊茂與之立功興太學
修郊祠改正朔定歷數協音律作詩樂建封禪禮百
神紹周後號令文章煥焉可述後嗣得遵洪業而有

三代之風如武帝之雄才大略不改文景之恭儉以

濟斯民雖詩書所稱何有加焉漢書武
帝紀

孝昭皇帝諱弗陵武帝太子以歲甲午春二月即位在
位十三年

昔周成以孺子繼統而有管蔡四國流言之變孝昭
幼年即位亦有燕蓋上官逆亂之謀成王不疑周公
孝昭委任霍光各因其時以成名大矣哉承孝武奢
侈餘敝師旅之後海內虛耗戶口減半光知時政之

欽定四庫全書

陝西通志
卷四十八

要輕徭薄賦與民休息至始元元鳳之間匈奴和親
百姓充實舉賢良文學問民所疾苦議鹽鐵而罷權
酤尊號曰昭不亦宜乎漢書昭
帝紀

孝宣皇帝諱詢武帝曾孫戾太子孫也以歲丁未秋七
月即位在位二十五年

孝宣之治信賞必罰綜核名實政事文學理法之士
咸精其能至於技巧工匠器械自元成間鮮能及之
亦足以知吏稱其職民安其業也遭值匈奴乖亂推

亡固存信威北夷單于慕義稽首稱藩功光祖宗業

垂後嗣可謂中興侔德殷宗周宣矣

漢書宣帝紀

孝元皇帝諱奭宣帝太子以歲壬申冬十二月即位在位十六年

元帝多材藝善史書鼓琴瑟吹洞簫自度曲被歌聲分判節度窮極幼眇少而好儒及即位徵用儒生委之以政貢薛韋匡迭為宰相而上牽制文義優游不斷孝宣之業衰焉然寬弘盡下出於恭儉號令溫雅

欽定四庫全書

陝西通志卷四十八

有古之風烈

漢書元帝紀

孝成皇帝諱騫元帝太子以歲戊子夏六月即位在位二十六年

成帝善修容儀升車正立不內顧不疾言不親指臨朝淵默尊嚴若神可謂穆穆天子之容者矣博覽古今容受直辭公卿稱職奏議可述遭世承平上下和睦然湛於酒色趙氏亂內外家擅朝言之可為於邑建始以來王氏始執國命哀平短祚莽遂篡位蓋其

威福所由來者漸矣

漢書成帝紀

孝哀皇帝諱欣元帝孫定陶恭王子也成帝立為太子以歲甲寅夏四月即位在位六年

孝哀自為藩王及充太子之宮文辭博敏幼有令聞睹孝成世祿去王室權柄外移是故臨朝屢誅大臣欲強主威以則武宣雅性不好聲色時覽下射武戲即位痿痺末年寢劇饗國不永哀哉

漢書哀帝紀

孝平皇帝諱衎元帝孫中山孝王子也哀帝無嗣以歲

欽定四庫全書

陝西通志卷四十八

庚申秋九月入即位在位五年

孝平之世政自莽出褒善顯功以自尊盛觀其文辭方外百蠻無思不服休徵嘉應頌聲並作至乎變異

見於上民怨於下莽亦不能文也

漢書平帝紀

孺子嬰宣帝元孫廣戚侯顯子也王莽攝政以歲乙丑冬十二月徵入為平帝後至歲己巳春正月廢為定安公凡三年

右漢自高帝漢五年己亥至孺子初始元年己巳

共都長安二百一十年

晉
姓司馬氏

孝愍皇帝諱業字彥旗武帝孫吳孝王晏子也初嗣封秦王以歲癸酉夏四月即位於長安丙子冬十一月降於劉曜長安陷在位四年

帝之繼皇統也屬永嘉之亂長安城中戶不盈百墻宇頽毀蒿棘成林朝廷無車馬章服惟桑版署號而已衆惟一旅公私有車四乘器械多闕運饋不繼巨

欽定四庫全書

陝西通志
卷四十八

十三

猾滔天帝京危急諸侯無釋位之志征鎮關勤王之

舉故君臣窘迫以至殺辱云

晉書愍帝紀

右晉愍帝自建興元年癸酉至四年丙子共都長

安四年

按愍帝以前漢獻晉惠俱經徙都長安然一則見逼於董卓一則被劫於張方此與

明皇幸蜀何異非建都實事也愍帝當洛京傾覆之日正位關中雖立國不久而人心實繫屬於此

所當大書以伸大義者也

北魏
姓元氏

孝武皇帝諱修孝文帝孫廣平王懷子也以歲甲寅秋

七月自洛陽西都長安凡一年

文皇帝諱寶炬孝文帝孫京兆王愉子也初封南陽王以歲乙卯春正月即位在位十七年

廢帝諱欽文帝太子以歲辛未春三月即位在位三年恭皇帝諱廓文帝第四子初封齊王以歲甲戌春正月即位丙子冬十二月禪位於周在位三年

莊帝而後魏室土崩主祭祀者不殊於寄坐遇黜辱者有甚於奕棋雖以孝武之長祗以速是奔波文帝

欽定四庫全書

陝西通志
卷四十八

十三

以剛強之質終以守雌自寶恭帝運終天祿高蹈唐

虞各得其時也

北史西魏本紀

右西魏自孝武帝永熙三年甲寅至恭帝三年丙

子共都長安二十三年

北周

姓宇文氏

孝閔皇帝諱覺代武川人安定公泰世子也初封周公

以歲丁丑春正月受禪在位一年

孝閔承既安之業應樂推之運崇天竺物正位君臨邇

無異言遠無異望雖黃初代德太始受終不之尚也然政由甯氏主懷芒刺之疑祭則寡人臣無復子之

請以之速禍宜哉

周書閔帝紀

世宗明皇帝諱毓閔帝庶兄初封寧都公以歲丁丑秋九月入即位任位四年

世宗寬仁遠度叡哲博聞處代邸之尊實文昭之長豹姿已變龍德猶潛而百辟傾心萬方注意及乎迎宣黜賀入纂太宗禮貌功臣敦睦九族率由恭儉崇

欽定四庫全書

陝西通志卷四十八

十四

尚文儒疊疊乎具有君人之德者矣始則權臣專制政出私門終乃鴆毒潛加享年不永惜哉

周書明帝紀

高祖武皇帝諱邕明帝弟初封魯公以歲庚辰夏四月入即位任位十八年

自東西否隔二國爭強疆場之事一彼一此高祖英威電發朝政維新內難既除外畧方始乃苦心焦思克已勵精勞役為士卒之先居處同匹夫之儉修富民之政務強兵之術五年之間大勲斯集據祖宗之

宿憤拯東夏之阡危盛矣哉其有成功者也若使翼

日之廖無爽經營之志獲中黷武窮兵雖見譏於良

史雄圖遠畧足方駕於前王者歟

周書武帝紀

宣皇帝諱贊武帝太子以歲戊戌夏六月即位己亥春二月內禪任位一年

高祖識嗣子之非才顧宗祏之至重滯愛同於晉武則哲異於宋宣卒使昏虐君臨奸回肆毒善無小而必棄惡無大而弗為然猶及子而亡幸哉

周書宣帝紀

欽定四庫全書

陝西通志卷四十八

十五

靜皇帝諱闡本名衍宣帝太子以歲己亥春二月即位辛丑禪位於隋任位二年

靜帝起自幼冲紹茲衰緒內相挾孫劉之詐戚藩無齊代之強隋氏因之遂遷龜鼎嗚呼以太祖之克隆景業未踰二紀不祀忽諸斯蓋宣帝之餘殃非孺子之罪戾也

周書靜帝紀

右周自閔帝元年丁丑至靜帝大定元年辛丑共都長安二十五年

隋姓楊氏

高祖文皇帝諱堅弘農華陰人以歲辛丑春二月受禪
在位二十四年

高祖以外戚之尊受託孤之任乘茲機運遂遷周鼎
於時蠻夷猾夏荆揚未一勛勞日是經營四方樓船
南邁則金陵失險驃騎北指則單于款塞雖晉武之
克平吳會漢宣之推亡固存比義論功不能尚也七
德既敷九歌已洽要荒咸暨尉候無警於是躬節儉

欽定四庫全書

陝西通志
卷四十八

七

平徭賦倉廩實法令行君子咸樂其生小人各安其
業人物殷阜朝野歡娛二十年間天下無事區宇之
內晏如也但無寬仁之度有刻薄之資暨乎暮年此
風逾扇又聽哲婦之言惑邪臣之說溺寵廢嫡託付
失所墳土未乾天下已非隋有惜哉迹其衰怠之源
稽其亂亡之兆起自高祖成於煬帝所由來遠矣

文帝
紀

煬皇帝諱廣文帝太子以歲甲子秋七月即位

三年

煬帝爰在弱齡早有令聞昆弟之中獨著聲績於是
矯情飾貌肆厥姦回故得獻后鍾心文皇革慮天方
肇亂遂登儲兩踐峻極之崇基承丕顯之休命地廣
三代威振八紘負其富强之資思逞無厭之欲狹殷
周之制度尚秦漢之規摹恃才矜已傲狠明德淫荒
無度法令滋章驕怒之兵屢動土木之功不息旌旗
萬里徵稅百端猾吏侵漁人不堪命自是海內騷然

欽定四庫全書

陝西通志
卷四十八

七

無聊生矣俄而元感肇黎陽之亂匈奴有雁門之圍
天子方棄中土遠之揚越姦宄乘霧蜚毛而起四方
萬里簡書相續猶謂鼠竊狗盜不足為虞上下相蒙
莫肯念亂遂以萬乘之尊死於一夫之手社稷顛隕
本枝殄絕自肇有書契以迄於茲未有若斯之甚也
傳曰吉凶由人祔不妄作又曰兵猶火也不戢將自
焚觀隋室之存亡斯言信而有徵矣

隋書
帝紀

恭皇帝諱侑煬帝孫元德太子之子也初封代王以歲

丁丑冬十一月唐公李淵立帝於長安戊寅夏五月禪位於唐在位二年

恭帝年在幼冲遭家多難一人失德四海土崩既鍾百六之期躬踐數終之運謳歌有屬笙鐘變響雖欲不遵堯舜之迹庸可得乎隋書恭帝紀

右隋自高祖開皇元年辛丑至恭帝義寧二年戊寅共都長安三十八年

唐
姓李氏

欽定四庫全書

陝西通志卷四十八

十八

高祖皇帝諱淵隴西成紀人以歲戊寅夏五月受禪在位九年

唐在周隋之際世雖貴矣然烏有所謂積功累仁之漸而高祖之興亦何異因時而特起者歟雖其有治有亂或絕或微然其有天下年幾三百可謂盛哉豈非人厭隋亂而蒙德澤繼以太宗之治制度紀綱之法後世有以憑藉扶持而能永其天命歟唐書高祖本紀

太宗皇帝諱世民高祖次子以歲丙戌秋八月即位

位二十三年

盛哉太宗之烈也其除隋之亂比迹湯武致治之美庶幾成康自古功德兼隆由漢以來未之有也至其牽於多愛復立浮圖好大喜功勤兵於遠此中材庸主之所常為然春秋之法常責備於賢者是以後世君子莫不歎息於斯焉唐書太宗本紀

高宗皇帝諱治太宗太子初封晉王以歲己酉夏六月即位

在位三十四年

陝西通志卷四十八

十九

大帝往在藩儲見稱長者暨昇旒宸頓異明哉虛襟似納於觸鱗下詔無殊於扇暘既蕩情於帷簿遂忽怠於基扃卒致盤維盡戮宗社為墟所謂一國為人興前賢為後愚廢信矣哉舊唐書高宗本紀

中宗皇帝諱哲高宗太子以歲癸未冬十二月即位

在位二十七年

按中宗嗣聖元年武氏即遷帝房州十五年始還東都東宮者八年是中宗在位

僅六年耳然帝在房州唐統未絕即以中宗紀年可也故通為二十七年云

孝和帝越自負宸遷於房陵崎嶇瘴癘之鄉契濶幽

囚之地遂得生還庸非已力洎滌除金虎再握璿衡不能罪已以謝萬方而更漫游以隳八政縱艷妻之煽黨信妖女以撓權桓敬由之覆族節愍所以興戈

也 舊唐書中宗本紀

睿宗皇帝諱旦中宗母弟初封相王以歲庚戌夏六月入即位在三

玄宗皇帝諱隆基睿宗太子以歲壬子秋八月即位在位四十五年

欽定四庫全書

陝西通志卷四十八

三十一

睿宗因其子之功而在位不久固無可稱者嗚呼女子之禍於人者甚矣自高宗至於中宗數十年間再罹女禍唐祚既絕而復續玄宗親平其亂可以鑒矣而又敗以女子方其勵精政事開元之際幾致太平何其盛也及侈心一動而溺其所甚愛忘其所可戒至於竄身失國而不悔考其始終之異其性習之相

遠也至於如此可不慎哉可不慎哉

唐書睿宗本紀

肅宗皇帝諱亨初名嗣昇更名浚又更名璵又更名紹

玄宗太子以歲丙申秋七月即位於靈武在位七年

代宗皇帝諱豫肅宗太子以歲壬寅夏四月即位在位十七年

天寶之亂大盜遽起天子出奔方是時肅宗以皇太子治兵討賊得其職矣蓋自高祖以來三遜於位以授其子而獨睿宗上畏天戒發於誠心若高祖玄宗宣其志哉代宗之時餘孽猶存平亂守成蓋亦中材之主也

唐書肅宗本紀

欽定四庫全書

陝西通志卷四十八

三十二

德宗皇帝諱适代宗太子以歲己未夏五月即位在位

二十六年

順宗皇帝諱誦德宗太子以歲乙酉春正月即位在位

一年

憲宗皇帝諱純順宗太子以歲乙酉秋八月即位在位

十五年

德宗猜忌刻薄以彊明自任恥見屈於正論而忘受欺於姦諛及奉天之難深自懲艾遂行姑息之政由

是朝廷益弱而方鎮愈強至於唐亡其患以此憲宗
剛明果斷慨然發憤志平僭叛能用忠謀不惑羣議
卒收成功自吳元濟誅強藩悍將皆欲悔過而効順
當此之時唐之威令幾於復振其為優劣不待較而
可知也及其晚節信用非人不終其業而身罹不測
之禍嗚呼小人之能敗國也雖聰明聖智苟有惑焉
未有不為患者也昔韓愈言順宗在東宮二十年天
下陰受其賜然享國日淺不幸疾病莫克有為悲夫

欽定四庫全書

陝西通志
卷四十八

唐書德順憲
三宗本紀

穆宗皇帝諱恒憲宗太子以歲庚子春閏正月即位在
位四年

敬宗皇帝諱湛穆宗太子以歲甲辰春正月即位在位
二年

文宗皇帝諱昂穆宗次子初封江王以歲丙午冬十二
月入即位在位十四年

武宗皇帝諱炎穆宗第五子初封潁王以歲庚申春正

月入即位在位六年

宣宗皇帝諱忱憲宗第十三子初封光王以歲丙寅春
三月入即位在位十三年

穆敬昏童失德以其在位不久故天下未至於敗亂
而敬宗卒及其身文宗恭儉儒雅出於天性嘗讀太
宗政要慨然慕之及即位銳意於治故太和之初政事
修飭號為清明然仁而少斷甘露之事禍及忠良不
勝冤憤飲恨而已昔武丁得一傳說為商高宗武宗

欽定四庫全書

陝西通志
卷四十八

用一李德裕遂成其功烈然除去浮圖之法而躬受
道家之錄服藥以求長年以此見其非明智之不惑
特好惡有不同耳宣宗精於聽斷而以察為明無復
仁恩之意嗚呼自是而後唐衰矣

唐書穆敬文武
宣五宗本紀

懿宗皇帝諱淮宣宗長子初封鄆王以歲己卯秋八月入
即位在位十四年

僖宗皇帝諱儇初名儼懿宗第五子封普王以歲癸巳
秋七月入即位在位十六年

懿僖當唐政之始衰而以昏庸相繼乾符之際歲大

旱蝗民愁盜起其亂遂不可復支蓋亦天人之會歟

唐書懿僖
二宗本紀

昭宗皇帝諱晔懿宗第七子初封壽王以歲戊申春三

月入即位以歲甲子春正月遷都於洛陽在位十六年

昭宗為人明雋初亦有志於興復而外患已成內無

賢佐頗亦慨然思得非常之材而用匪其人徒以益

亂跡其禍亂其漸積豈一朝一夕哉唐書昭宗本紀

欽定四庫全書

陝西通志
卷四十八

右唐自高祖武德元年戊寅至昭宗天祐元年甲

子共都長安二百八十七年

后妃后妃承乾毓聖正位宮闈產自秦封實維內政所自出而亦斯上之光也有則悉登其都秦者

不概錄

上古

姜嫄

厥初生民時維姜嫄詩經大雅帝嚳上妃有邠氏之女也

曰姜嫄氏大戴禮高辛氏上妃有邠氏曰姜原清淨專

一而好稼穡衣帝衣履帝履居莽而生棄路史疏駘

在始平武功縣左傳杜註古釐城在縣南八里漆村東古

有釐氏之國也武功縣志按
邠駘釐字並同

周

褒姒

昔夏后氏之衰也有二龍止於帝庭而言曰余褒之

二君夏帝請其釐而藏之比三代莫敢發厲王之末

發而觀之釐流於庭化為玄黿入後宮後宮之童妾

欽定四庫全書

陝西通志
卷四十八

既亂而遭之既笄而孕無夫而生子懼而棄之宣王

時童女謠曰檠弧箕服實亡周國有夫婦賣是器者

宣王使執而戮之逃於道見鄉者後宮所棄妖子於

路哀而收之遂亡奔於褒姒人有罪請入所棄女子

於王以贖罪是為褒姒當幽王三年王之後宮見而

愛之竟廢申后以褒姒為后褒姒不好笑幽王欲其

笑萬方故不笑幽王為烽燧有寇至則舉烽火諸侯

悉至至而無寇褒姒乃大笑幽王悅之為數舉烽火